

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisoq for Fiskeri, Fangst og Landbrug

Inatsisartunut ilaasortaq
Karl Lyberth, Siumut



Umiatsiararsortut isertitaannut tunngatillugu apeqquut nr. 130-mut akissut

Inatsisartut suleriaasianni § 36, imm. 1 malillugu umiatsiaararsortut qassit ukiumut million-it pallillugit isertitaqarnersut apeqquteqaateqarputit. Apeqquut Naalakkersuisoqarfinit akineqartussanngortinneqarpoq.

Apeqquut:

Umiatsiaararsortut qassit ukiumut million-it pallillugit isertitaqartarpat?

Akissut:

Aallaqqaasiullugu siusinnerusukkut isertitat A-t aamma inuussutissarsiutigalugu piniarnermut allagartallit tunisisartut inuuniarnikkut aningaasarsiornikkullu misissuiffigineqarnerat, 2005-imi saqqummersinneqartoq, innersuussutigineqassaaq. Misissuinerup takutippaa misissuiffigineqartut 2%-iisa missarluinnaat kr. 250.000-500.000-it akornanni isertitaqartut, aamma 2,5%-it kr. 500.000-it sinnerlugit isertitaqarsimasut. Misissuinerup takutippaa akunnattumik isertitaqartut amerlanerusut.

Aalisarnermut, Piniarnermut Nunalerinermullu Naalakkersuisoqarfik suliarinnissimavoq OS consulting I/S suleqatigalugu "Qalerallit pillugit nalunaarusiaq – 2009-mi inuutissarsiutip aningaasaqarniarnikkut missingersorneqarnera". Nalunaarusiami ilaatigut ilanngunneqarpoq sinerissap qanittuani qaleralinniarnep misissueq-qissaarfigineqarnera, tassunga ilanngullugu sinerissap qanittuani qaleralinniarnep angallatit amerlassusaat suunerilu agguartaarlugit. Missingersuusiami ulloq 1. januar 2009 aallarnerfigalugu akuersissutinik pigisaqartut amerlassusaat aallaavigineqarpoq kiisalu KANUAANA-p angallatinut nalunaarsuiffia.

Angallatit amerlassusaat suussusii tunngavigalugu agguarlugit:

Kutterit katillugit 127
Umiatsiaaqqat katillugit 752
Snescooterit katillugit 130
Qimussit katillugit 504

2009-mut qaleralinnut pisassiissutit Nunarput tamakkerlugu 19.800 tons-inut aalajangiussaavoq, Uummanami Upernavimmilu aqutsiveqarfinni 1.000 tonsinik

27. november 2009
J.nr. 01.28.09

Dok.nr.

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

suli pisasseeqqittoqarsimalluni, ataani missingiineranut sunniuteqanngitsumik.

Missingiinerup takutippaa, sinerissap qanittuani qaleralinniarnermi pisassiissutit tamakkerlugit aalisarneqarpata, tamanna ukiumut ingerlatsinikkut angusat inernerissagai katillugit 27.400 mio. kr.-it (1.000 kr.)

Qulaani taaneqartuni tulaassisinnaasuni agguaqatigiissinnerani tulassuisup ataatsip ukiumut kaaviiartissavai katillugit kr. 1,8 mio. kr.-it. Taanna ilutugalugu erseqqissaatigineqassaaq, sinerissap qanittuani qaleralinniarnermi angallatit amerlanersaat aalisakkat allat sammisarmatigit. Tassa ileqqutoqqat malillugit piniarnerup sammineratigit tamanna amerlasuut qaleralinniarnermut annertuumik tapertaasarpog, taamatullu saarulliit, qeeqqat aamma suluppaakkat aalisarnikkut sammineqartarsinnaallutik.

Isertitanut paasissutissat Aalisarnermut, Piniarnermut Nunalerinermullu Naalakkersuisoqarfiup Akileraartarnermut Aqutsisoqarfik suleqatigalugu pissarsiarisinnamasai ukioq aningaasarsiorfik 2008-mut tunngasut, ilimanarsisippaat umiatsiaararsortut qaleralinniarnermi 100.000 kr. aamma 650.000 kr.-it akornanni kaaviiartittaraat. Tassunga ilanngullugu suussutsit allat soorlu saarulliit, qeeqqat, suluppaakkat aamma ingammik arnarluit suaat, umiatsiaararsortorpassuarnut annertuumik isertitaqaataasartut, naak isertitsiffiusartog taanna ukioq ilivitsup iluani qaammataluinnarnut killeqaraluartog. Saniatigit amernik tunisinermi isertitat ilanngunneqasapput umiatsiaararsortut isertitaannut aammattaaq annertuumik sunniuteqartartog.

Isertitanut paasissutissat taakkuugallartut pigineqartut tunngavigalugit taamaallaat ilisimatitssutigisinnavara, tunisinermi aamma isertitanut paasissutissat passusinnermik suliaqaqqaarluni aatsaat tamakkiisumik nalunaarsinnaassagama umiatsiaararsortut qassit 1 mio. kr. sinnerlugu kaaviiartitaqarsimaneranut tunngatillugu. Umiatsiaaqqat aamma kutterit immikkoortinneqarnerat ajoraluartumik aamma paatsuunganaqutigivaa, umiatsiat anginerumaat soorlu Q21, Q23 aamma Q30-it tunisinermi umiatsiaararsortutut nalunaarsorneqartarmata, tamannalu eqqunngitsunik isertitanut paasissutissiinnermik kinguneqarsimalluni.

Apeqqummut pineqartumut akinissamut paasissutissat pisariaqartut oqartussaasunit assigiinngitsunit aasaraqarpagut aamma nalunaarsuiffiit assigiinngitsut paasissutissanik aallerfigineqarnissaannut imaaliinnarluni piareeqqanngimmata paasissutissat naleqquttut pissarsiarinissaannut.

Naggataatigit erseqqissaatigissavara, atuisut akiliuteqartalernissaata atulersinneqarnerata siunertarimmagu oqartussaasuni pisortat aningaasartuutaannut oqilisaniarnermik tunngaveqarmat. Atuisut akiliuteqarnerannit isertitaqarnerup kingunerissavaa aningaasaliissutit siornatigit KANUAANA-mut aningaasaliissutaasarsimasut inuiaqatigiinni siunertanut allanut aningaasaliinernut atorneqarsinnaalernerat. Nalunngilara Naalakkersuisut siulii atuisut akiliuteqartalernissaat siunnersuutigisimammasuk aamma UKA 2009/95-imi siunnersuummi, ilaatigit Nunatta pisuussutaannut pingaarnernut akiliuteqarfingineqartalernissaannut aallarniutaavoq. Umiatsiaararsorlutik aalisartut aamma piniartut

pisuussutit uumassulisilinnut atuisunut ilaapput aamma taamaasillutik pisortat
aningaasartuutaannut oqilisaaqataapput.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq